

NAMIBIA SENIOR SECONDARY CERTIFICATE

FIRST LANGUAGE RUKWANGALI ORDINARY LEVEL 4108/3

PAPER 3 Literature

2 hours

Marks 60

2020

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the three answers, **one** must be an essay.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

MAVYUKISO NOMAPUKURURO KOVARONGWA

- Tjanga malimbururo goge moBukelimbwiliro vana ku pe.
- Tjanga Nomora zoge zEvangotjangero, zoUkandidate nEdina lyoge momavega goBukelimbwiliro.
- Tjangesa pena zouneguru wokusovagana ndi zonsovagani.
- Wa ha ruganesa yikwamema yokudongwenesa.
- Limburura mapuro **gatatu limwe** moRuha A **Unongotango**, **limwe** moRuha B **Etjangopuru** ntani **limwe** moRuha C **Udano**. Mogo malimbururo gatatu, **limwe** po lya hepa kukara lyesansekototo.
- Pakera mbili esipero, yidivisoresseso netungontanto.
- Sivaro soyitwa kuna si gava moyikondekeli [] kehagero lyankenye epuro ndi koruha rweपुरो.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

RUHA A: UNONGOTANGO

Limburura mo epuro **limwe** tupu moruha oru.

1 Rupupo Rokupupira: T. Kangumbe

Resa mutango ogo konhi makura o limburure mapuro gana kukwama ko.

To pe nkore

Muswamane Nkore ogu wa zuvha
kapi ga paka age yikorombwa
o mu pe age mbayi-mbayi
o mu zumine age mbayi-mbayi.

Kombambo kwelike a ndjondjora
koge asi yige Samberambambo sa
ehanza ko mpamwe lyaamoge
nani ndangove dana nerungi.

Kuwoko wa lira kapi za mu tunda
koge ngara nye vana kukutwika
ndangove nani teta po hasa ove
mungura momutanda o rarere ove.

A kare yige kupa munona ndi
ndi nampo yige kupa mukurona?
Nayinye oyo moyihwehwehwa, hewa
ani yige muswamane Nkore sa ndi!

- (a) Mutangi ngapi ga ruganesa eraka mokusingonona nkore? Tumbura yitwa **yivali** yimo tupu noku yi pameka. [4]
- (b) Mokukwama momagano goge mutangi yinke ga tamba nonkango ozo 'Samberambambo' mositanza sauvali? Tumbura yitwa **yivali**. [2]
- (c) Mutangi ngapi ga likida ukarodona wonkore? Tumbura yitwa yine mukuruganesa umbangi womomotango. [4]
- (d) Mutangi yinke eyi ana hara ku kukulikida apa ana kuruganesa mapuro ga hana malimbururo mositanza saune? Tumbura yitwa **yivali** kumwe noku yi pameka. [4]
- (e) Tumbura yilikidiso yonkore eyi wa mona yoyiwa ntani morwasinke? Gava **yitatu** kumwe noku yi pameka. [6]

[20]**NDI**

2 Nonkangotango dounongotango: P. S. Koita

Resa mutango ogo konhi makura o limburure mapuro gana kukwama ko.

Kukurupa

Ruhafo ana reta membo
 Zina kuna mu tanga
 Womaparambo vana wiza novandambo
 Vamwe koure vana likanga
 Kuna wiza va ya mu tarere po

Zina kuna mu rerere membo
 ana kuru yiyo ana litanga
 Kwendi vana kuukire navenye womaparambo
 Noutjirwe nefumadeko vana mu tanga
 Guhyawo vana rukisa momalima goruhepo

Walikadi ana retere membo
 Unzi wemona lyendi koutanga
 Mahangu pokuteza nondambo nonondambo
 pepemba vana likondo ko ketanga
 Kupi a tunda gokulipura ruhepo?

Vanona Karunga ana va gusa membo
 Una wiza ukurupe, una lihana utanga
 Moulিকে ga hana kudiva hena vandambo
 Sakulya hape-hape nampili etanga
 Mukwawo ana myauka gedina “Ruhepo”
 Ruhafo rwina rwa kere membo
 Vantu vena ngava mu tanga
 Vamaparambo novandambo
 Yilye hena gokumutanga,
 Age mukwawo yige “Ruhepo”?

- (a) Magano musinke ana kara nago mutangi kuhamena mulyo gomunona mompo zosiAfilika? Ruganesa magano gomutango mokupameka elimbururo lyoge.

Tjanga nonkango di sike ko- **150 – 250**. [10]

- (b) Mutangi ngapi omu ana hara kukutwaredera omu no kara nonkenda novakurupe? Ruganesa magano gomomutango mokupameka elimbururo lyoge.

Tjanga nonkango di sike ko- **125 – 150**. [10]

[20]

RUHA B: ETJANGOPURU

Limburura mo epuro **limwe** tupu moruha oru.

3 Kutetuka: W. Sikerete

Kutetuka kwa dukaganene a papare etuwa lyokumutwara koguhwe nozina. Ezuva lyokukwamako ta gwana etuwa lyokumutwara kembo oku ga tunda. Yiburububu yawo tava yi mangayike. Apa lya ya sika etuwa poheka zonzugo ezi za kere zawo, nomurongero dawo nadinge tava di turaike. Yinzagiza noyikaku yokukurupa nayo tava yi tura-tura moyipakote va simbe kembo. Yipoto, yifoyo nayene yinkinda yokutomauka nayo tava yi rongere. Age ga mwene vantu vamwe ava va wizire kwendi ngwendi tava ya mu lilisa ko mezumbaneso lyendi yirugana, ano apa va zira-zire tava tameke kumugamba nokumuzora hena.

Ngapi nye konyima zawo? Heee Huu!! Hehee! Kapisi hepero kuliwowotera hena ndi kugamba kuziguruka nye tupu nokugarura moomu ga yi harera mwene muntu. “Yimo tupu ngatu yi tara nonzugo daNkarapamwe kapi ava di likitire ngwendi zekembo lyeni oku wa tunda. Nina ka zuvha kwaKayimana asi Kutetuka kapi ga kara nembo. Ha ga wizira oku koRundu kapi ga randa nampili ngombe ndi sikombo. Yiyo yipi nye eyi a likanganga asi age munandunge no? He hee wuu!! Epupi lyendi lina kwato mpili ndunda zokurara”.

- (a) Ukaro waKutetuka wokulimonekesa yinke ya mu reterere nekoro lyendi apa va mu tjidire moyirugana? Ruganesa maumbangi gomobuke mokupameka elimbururo lyoge. [4]
- (b) Elizuvho musinke lina kutuntuka momutjima goge apa ga ya tuntura mutjangi asi “embo lyaKutetuka tali gwana edina kanzara?” Pameka elimbururo lyoge. [2]
- (c) Ngapi mutjangi ga tjangurura ukaro waKutetuka mombapira ezi? [6]
- (d) Marondoro musinke gana kara mobuke ezi ga gava mutjangi? Kuhamena koyinka oyo?
 - (i) mepata [3]
 - (ii) kovarugani [5]

[20]

NDI

4 Sirenga: D. Nakare

Mutjangi ngapi omu ga kuninkisa o lizuvhe koukaro waKangweru ntani yitundwamo eyi ga retesere po kovantu? Ruganesa magano gomobuke mokupameka elimbururo lyoge.

Tjanga nonkango di sike ko- **250 – 300**.

[20]

RUHA C: UDANO

Limburura mo epuro **limwe** tupu moruha oru.

5 Eparu Lyawo: P. S. Koita

Hamutenya: Vantu vangesi ... dene edi nondadi, ngapi no vhura kuvadimburura tate?

Haingura: (*ta mwena a gazare nakauke, makura ta uyunga ngwendi nesinganyeko*): Moku va nongonona usimbu, udigu unene, nye pwarumwe hena ureru unene. Nye vamwe hena kapi ava va dimburura. Amesi ntaantani nkenye nkango zouhunga zina kupwaga mokana komuntu, "politika". Yininke yangesi yiyo nye yina kureta po maudigu nagenye. Munyengi kuna hara asi vantu va mwene, va ha uyunga usili nampili ngapi omu vana kuumona. (*Ta mwena tanko, ntani ana kutwikira nezwi lina kuuyungira pevhu.*) Muntu kudimburura ndadi, munwange, morwa sinzi sonondadi, googo o li nendi. Age muntu ogu ga ku diva, age hena muntu ogu ga ku yika - kutanta asi ogu vana tumu a wize koge a ya papare nombudi nsene kapi ga ku diva, ta ruganesa nye mukweni ndi vakweni ava va ku yika. Age yige nye na tomona omu wa kara neyi o rugana, ndi pwarumwe tava mu tumu a ya ku pure pankedi zoundambo weni. Ove ngwendi no mu hapa, ove wa mu yika?

Gwina pena nava yi mu twarera, ta ka sikisa nye age ana gwederere ko dendi moomu ana yi harere. Ntaantani powo vantu navenye ndadi yilye nye, googo nye ana ku ka sikisa age ana gwederere ko dendi, ndi gogo mukweni ana wiza koge, ogu ga ku yika? (*Ta mwena hena tanko karuwogona.*) Tara' si munwange, pamwe to ka gwana vantu vamwe tava zogere, ngamoomu tupu tuna kuzogera ngesi. Kuvhura hena va kare vatatu ndi vane ndi kupita powo. Muuyungi pamwe gumwe tupu, ano ava wokuhupa ko vapurakeni. Ove kugazara asi nsene gumwe ta sanseke, one vapurakeni kapi omu limburura ko? Omu nazi tovara-tovara zene nzogera ngano ngapi nye? (*Ta tungwire munwendi mugongo, makura ta henya a ligore po apa ka hingire. Ta twikire kuuyunga age simpe kuna mu pe mugongo.*) Vapurakeni nawo nava limburura ko. Nava pura mapuro. (*Ta pirukire hena kwamunwendi age kuna kumutara mosipara.*) Nani mwene ogo ana kusansekera po vakwawo, yige yilye nye?

Ano va kare vene ava vana kupurakena, awo nawo yiwo wolye ny' asi? (*Ta henya a hedere kwamunwendi pevega eli ka hingire muhowo.*) Tara' si munwange, yiyo nina hovere kuuyunga asi, kara ono rungarara. Kara nondunge - ove hena diva asi vakweni wolye. (*Nezwi Iyerondoro.*) Ove asi ndadi kapi tazi vhuru kusanseka yuma? Ove o limburure ko Sa! Ndi kapi ta vhuru kupurakena eyi ono kusanseka ove, age a ka yi ture omu ana yi harere? (*Ta pwizumuka po karuwogona.*) Nondadi dimwe yido adi simwitire, ano edi dimwe kupurakena kweyi vana kuuyunga vantu. Ko di li hena dimwe edi adi rugana nayinye eyi nina tumbagura apa. Nye nsene o kara nonondunge kuvhura kunongonona vantu vangesi. Awo nkenye apa kumoneka ngomuntu ana kupapara yuma.

Hamutenya: (*ana tetuka*): Inh, nina zuvhu tate ... nina zuvhu nayinye eyi muna tumbagura apa. (*Ta mwena tanko nakauke ngwendi gogu ana kugazara unene.*) One kuna tamba asi ni likunge kovantu - kovantu tupu navenye, morwa mutjima gwamukweni, sikoverero. Ame hena ni va nongonone ... ni va dive.

- (a) Mutjangi ngapi ga likida asi momukunda kwa kere mo nondadi? Ruganesa magano gomobuke mokupameka elimbururo lyoge. [5]
- (b) Morwasinke epangeropita ngali ruganesere vandambo va kare vapapali nombudi? [5]
- (c) Mutjangi ga ruganesa nkango ezi “ndadi” vantu mukwasinke va kere nani? [5]
- (d) Ngapi ga likida mutjangi goudano ou asi, Haingura ga geve erondoro kwamunwendi lyokulikunga? [5]
- [20]

6 Kotokeni zaHaitana: D. Nakare

Mutjangi ngapi omu ana kuhetakanesa eparu lyovanona lyopwanare neli lyopwantani mokudemmenena pomukunda gwaRuwota? Ruganesa magano gomombapira mokupameka elimbururo lyoge.

Tjanga nonkango di sike ko- **250 – 300**. [20]

BLANK PAGE

BLANK PAGE